

О‘ЗБЕКИСТОН RESPUBLIKASI  
VAZIRLAR MAHKAMASINING  
QARORI



ПОСТАНОВЛЕНИЕ  
КАБИНЕТА МИНИСТРОВ  
РЕСПУБЛИКИ УЗБЕКИСТАН

« 18 » сентябрь 2018 у.

№ 738

Toshkent sh.

**Аҳолини фармацевтика маҳсулотлари билан таъминлаш тизимини янада  
такомиллаштириш чора-тадбирлари тўғрисида**

Ўтган йиллар давомида аҳолини дори воситалари ва тиббиёт буюмлари (кейинги ўринларда фармацевтика маҳсулотлари деб аталади) билан таъминлаш борасида қатор ишлар амалга оширилди.

Жумладан, фармацевтика маҳсулотларини ишлаб чиқаришни ривожлантириш ва модернизация қилишга йўналтирилган ҳуқуқий база мустаҳкамланди, фармацевтика маҳсулотларини тарқатиш ва реализация қилиш тизими йўлга қўйилди, дори воситаларининг эркин муомаласини таъминлаш чоралари кўрилди.

Шу билан бирга, амалдаги ҳуқуқни қўллаш амалиётининг таҳлили аҳолини ва даволаш-профилактика муассасаларини сифатли ҳамда арзон фармацевтика маҳсулотлари билан тўлиқ таъминлашга тўсқинлик қилувчи қатор ҳал этилмаган муаммолар мавжудлигидан далолат беради. Жумладан:

**биринчи**, фармацевтика маҳсулотларини амалдаги қоғоз шаклида ҳисобга олиш ва ҳисоботи тизими фармацевтика ҳисобини юритишнинг замонавий талабларига мос келмайди, бюджет маблағларининг мақсадсиз фойдаланишни тезкор аниқлаш ва суиистеъмол ҳолатларининг олдини олиш имконини бермайди;

**иккинчи**, мажбурий идентификациялаш механизмнинг мавжуд эмаслиги давлат тиббиёт муассасалари томонидан фармацевтика маҳсулотларини сотиб олиш ҳақида тўлиқ ва ишончли маълумот олишда қийинчилик туғдирмоқда;

**учинчи**, чекка ҳудудларда жойлашган давлат тиббиёт муассасаларида инфратузилманинг етарлича ривожланмагани, жумладан, ахборот-коммуникация технологиялари суи жорий этилаётгани фармацевтика маҳсулотларини ҳисобга олиш ва ҳисоботининг замонавий инновацион усулларини қўллаш имконини бермайди;

**тўртинчи**, республикада фармацевтика маҳсулотлари ҳаракатини давлат томонидан назорат қилиш механизмнинг мавжуд эмаслиги сертификатлаштирилмаган ва контрафакт фармацевтика маҳсулотларини ишлаб чиқариш, олиб кириш ва уларнинг муомаллада бўлишининг олдини олишга тўсқинлик қилмоқда.

Фармацевтика маҳсулотларининг ҳаракатини назорат қилиш ва ҳисобга олиш тизимини тубдан такомиллаштириш, давлат тиббиёт муассасаларини сифатли дори воситалари ҳамда тиббиёт буюмлари билан ўз вақтида таъминлаш, шу жумладан Ўзбекистон Республикаси Президентининг “Фармацевтика тармоғини жадал ривожлантириш бўйича қўшимча чора-тадбирлар тўғрисида” 2018 йил 14 февралдаги ПҚ-3532-сон қарори ижросини таъминлаш мақсадида Вазирлар Маҳкамаси **қарор қилади:**

1. Ўзбекистон Республикаси Соғлиқни сақлаш вазирлиги ва Ахборот технологиялари ва коммуникацияларини ривожлантириш вазирлигининг:

Ўзбекистон Республикаси ҳудудида реализация қилинадиган фармацевтика маҳсулотлари ҳақида батафсил ахборот, шу жумладан товарларни ишлаб чиқарувчидан истеъмолчигача етказиб бериш жараёнида иштирок этувчи ишлаб чиқарувчилар ва улар томонидан ишлаб чиқариладиган маҳсулотлар (тури, номи, ишлаб чиқариш ҳажми ва бошқа) тўғрисидаги маълумотларни йиғишни таъминлайдиган;

фармацевтика маҳсулотларини махсус маркалашнинг таркибий қисмларини ишлаб чиқиш ҳамда ушбу маҳсулотлар ҳаракатини автоматлаштирилган ҳолда кузатиш ҳамда ҳисобга олиш имконини берадиган;

дорихоналардан олиш учун асос бўладиган электрон рецепт орқали фармацевтика маҳсулотларини шифокорлар томонидан тайинлаш тизимини жорий қилиш имкониятини берадиган “Электрон ҳукумат” тизимига кирувчи ахборот тизимлари ва маълумотлар базалари, шу жумладан ишлаб чиқиладиган “Соғлиқни сақлаш” комплекси билан келгусида интеграциялаштиришни назарда тутадиган фармацевтика маҳсулотлари ҳаракатини назорат қилиш ва ҳисобга олишнинг ахборот тизими (кейинги ўринларда Ахборот тизими деб аталади) тажриба шаклини яратиш ва 2019 йил 1 июлдан жорий қилиш тўғрисидаги таклифларига розилик берилсин.

2. Белгилаб қўйилсинки:

Ахборот тизимини ишлаб чиқиш бўйича буюрмачи функцияси Ўзбекистон Республикаси Соғлиқни сақлаш вазирлигига юкланади;

Ахборот тизимини ишлаб чиқиш, шу жумладан ахборотлаштириш объектини ўрганиш, техник ва лойиҳаолди ҳужжатларни тайёрлаш “UZINFOCOM давлат ахборот тизимларини яратиш ва қўллаб-қувватлаш бўйича ягона интегратор” МЧЖ (кейинги ўринларда “Ягона интегратор” МЧЖ деб аталади) томонидан амалга оширилади;

Ахборот тизими ва маълумотларни қайта ишлаш марказини сақлаш, уларга хизмат кўрсатиш, техник қўллаб-қувватлаш ва модернизация қилишга масъул бўлган оператор функцияси Ўзбекистон Республикаси Давлат солиқ қўмитасига юкланади;

Ахборот тизимининг тажриба шакли Ўзбекистон Республикаси Давлат солиқ қўмитасининг маълумотларни қайта ишлаш маркази базасида синовдан ўтказилади;

Ахборот тизимидан фойдаланганлик учун тушадиган маблағлар Ахборот тизими ва маълумотларни қайта ишлаш марказига хизмат кўрсатиш, уларни

техник қўлаб-қувватлаш ва модернизация қилиш, шунингдек, уларни сақлаш билан боғлиқ бошқа харажатларни қоплашга йўналтирилади;

Ахборот тизимини ишлаб чиқиш ва жорий қилиш Ўзбекистон Республикаси Ахборот технологиялари ва коммуникацияларини ривожлантириш вазирлиги, Соғлиқни сақлаш вазирлиги, Молия вазирлиги, Давлат солиқ қўмитаси, Давлат божхона қўмитаси, Соғлиқни сақлаш вазирлиги ҳузуридаги Фармацевтика тармоғини ривожлантириш агентлиги, “Ўзстандарт” агентлиги ва “Ягона интегратор” МЧЖ мутахассисларидан иборат идоралараро ишчи гуруҳ томонидан мувофиқлаштирилади.

### 3. Қуйидагилар:

Республикада фармацевтика маҳсулотларининг ҳаракатини назорат қилиш ва ҳисобга олишнинг ахборот тизимини жорий қилиш схемаси 1-иловага мувофиқ;

Республикада фармацевтика маҳсулотларининг ҳаракатини назорат қилиш ва ҳисобга олишнинг ахборот тизимини жорий қилиш бўйича “Йўл харитаси” 2-иловага мувофиқ тасдиқлансин.

Давлат органлари ва ташкилотларининг раҳбарлари ижро этувчи сифатида Республикада фармацевтика маҳсулотларининг ҳаракатини назорат қилиш ва ҳисобга олишнинг ахборот тизимини жорий қилиш бўйича “Йўл харитаси”да назарда тутилган чора-тадбирларнинг ўз вақтида ва самарали амалга оширилиши учун шахсан масъул эканлиги белгилаб қўйилсин.

### 4. Қуйидагилар:

а) Ахборот тизимини ишлаб чиқиш ва жорий қилиш, жумладан, ахборотлаштириш объектларини ўрганиш, техник ва лойиҳаолди ҳужжатларни тайёрлаш бўйича – Ахборот-коммуникация технологияларини ривожлантириш жамғармасининг маблағлари;

б) Ўзбекистон Республикаси Соғлиқни сақлаш вазирлиги тизимидаги давлат тиббиёт муассалари ва дорихоналарни Ахборот тизимига улаш учун ахборот-коммуникация технологиялари билан таъминлаш бўйича – Ўзбекистон Республикаси Молия вазирлиги ҳузуридаги бюджетдан ташқари Таълим ва тиббиёт муассасаларининг моддий-техника базасини ривожлантириш жамғармаси, халқаро молия институтлари, хорижий ҳукуматлар молия ташкилотлари ва донор давлатлар, шунингдек, қонун ҳужжатларида тақиқланмаган бошқа манбалар маблағлари;

бошқа давлат органлари тизимидаги тиббиёт муассасаларини Ахборот тизимига улаш учун ахборот-коммуникация технологиялари билан таъминлаш бўйича – ушбу органларнинг бюджетдан ташқари ўз маблағлари бу борадаги ишларни молиялаштириш манбалари этиб белгилансин.

Ўзбекистон Республикаси Инвестициялар бўйича давлат қўмитаси мазкур бандда назарда тутилган тадбирларни амалга ошириш учун халқаро молия институтлари ва хорижий давлатлар бошқа ташкилотларининг маблағларини жалб қилиш юзасидан зарур чоралар кўрсин.

5. Ўзбекистон Республикаси Президентининг “Виночилик соҳасини ва алкогольли маҳсулотларни реализация қилишни тубдан такомиллаштириш чора-тадбирлари тўғрисида” 2018 йил 28 февралдаги ПҚ–3573-сон қарорига асосан

2020 йилнинг 1 январидан бошлаб, алкогольли маҳсулотлар ҳаракатини назорат қилиш ва ҳисобга олишнинг ахборот тизими (АМҲНҲАТ) ишлаб чиқилиши ва жорий этилиши маълумот учун қабул қилинсин.

“Ўзшаробсаноат” АЖга АМҲНҲАТни ишлаб чиқиш тажрибасидан келиб чиққан ҳолда, Ўзбекистон Республикаси Соғлиқни сақлаш вазирлиги ва “Ягона интегратор” МЧЖга Ахборот тизими лойиҳасининг тегишли ҳужжатларини тайёрлашда, жумладан, “АМҲНҲАТ” лойиҳасининг материалларини тақдим этиш орқали амалий ёрдам бериш тавсия этилсин.

6. Ўзбекистон Республикаси Соғлиқни сақлаш вазирлиги Ахборот тизимининг тажриба шаклини синовдан ўтказиш натижалари бўйича 2020 йил 20 февралгача бўлган муддатда Вазирлар Маҳкамасига:

Ахборот тизимига уланмаган юридик шахсларга фармацевтика маҳсулотларини реализация қилишни тақиқлашни назарда тутган ҳолда, фармацевтика маҳсулотларини етказиб бериш жараёнининг барча иштрокчиларини Ахборот тизимига улашнинг якуний муддатлари, шунингдек, маълумотларни қайта ишлаш бўйича янги марказни ташкил қилиш ёки фаолият кўрсатаётган марказни кенгайтириш;

Дори воситаларининг хавфсизлиги тўғрисидаги умумий техник регламентга фармацевтика маҳсулотларини ҳисобга олиш, ҳисобот бериш ва идентификациялаш жараёнларини автоматлаштириш ва улар ҳақида зарур ахборотни олиш имконини берувчи мажбурий махсус маркировкалар тизимини жорий этиш тартибини белгилашни назарда тутувчи ўзгартириш ва қўшимчалар;

фармацевтика маҳсулотларини ишлаб чиқариш ва реализация қилиш учун лицензия талабларига лицензиялар талабгорлари ва эгаларининг Ахборот тизимига уланиш бўйича мажбуриятларини назарда тутувчи ўзгартиришлар;

Ахборот тизимидан пулли асосда фойдаланиш тартиби тўғрисида таклифлар киритсин.

7. Ўзбекистон Республикаси Давлат солиқ қўмитаси Бош прокуратура ҳузуридаги Иқтисодий жиноятларга қарши курашиш департаменти билан биргаликда корхоналарнинг Ахборот тизимига ўз вақтида ва тўлиқ уланишини тизимли назорат қилсин.

8. Вазирликлар ва идоралар ўзлари қабул қилган норматив-ҳуқуқий ҳужжатларни бир ой муддатда ушбу қарорга мувофиқлаштирайсин.

9. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари А.А.Абдуҳақимов ва Ўзбекистон Республикаси Соғлиқни сақлаш вазири А.К.Шадманов зиммасига юклансин.

Ўзбекистон Республикасининг  
Бош вазири




А. Арипов

Вазирлар Маҳкамасининг  
2018 йил “ 18 ” сентябрдаги  
738 -сон қарорига  
1-илова

**Республикада фармацевтика маҳсулотларининг ҳаракатини назорат қилиш  
ва ҳисобга олишнинг ахборот тизимини жорий қилиш  
СХЕМАСИ**

Босқичлар	Субъектлар	Тадбирлар	Бажариш муддатлари
1-босқич (Ўрганиш)	Соғлиқни сақлаш вазирлиги, Ахборот технологиялари ва коммуникацияларини ривожлантириш вазирлиги, Давлат солиқ қўмитаси, Давлат божхона қўмитаси, манфаатдор вазирлик ва идоралар	Ахборот тизимини ишлаб чиқиш ва жорий қилишни мувофиқлаштирувчи идоралараро ишчи гуруҳни тузиш.	2018 йил 1 октябрь
	“Ягона интегратор” МЧЖ, Соғлиқни сақлаш вазирлиги, Ахборот технологиялари ва коммуникацияларини ривожлантириш вазирлиги, идоралараро ишчи гуруҳ	1. Ахборотлаштириш объектларини Ахборот тизимини жорий этиш юзасидан ўрганиш. 2. Халқаро тажрибани, шу жумладан жойига чиққан ҳолда ўрганиш.	2018 йил 1 декабрь
2-босқич (Техник ва лойиҳаолди ҳужжатларни тайёрлаш)	Соғлиқни сақлаш вазирлиги, Ахборот технологиялари ва коммуникацияларини ривожлантириш вазирлиги, “Ягона интегратор” МЧЖ, идоралараро ишчи гуруҳ	1. Ахборот тизими Концепциясини ишлаб чиқиш. 2. Ахборот тизимини ишлаб чиқиш бўйича техник топшириқни ишлаб чиқиш ва тасдиқлаш. 3. Ахборот тизимининг дастлабки техник-иқтисодий асосини ишлаб чиқиш ва экспертизадан ўтказиш.	2019 йил 1 февраль  2019 йил 1 март  2019 йил 10 апрель
	“Ягона интегратор” МЧЖ, Соғлиқни сақлаш вазирлиги, Ахборот технологиялари ва коммуникацияларини ривожлантириш вазирлиги, идоралараро ишчи гуруҳ	Ахборот тизимининг тажриба шаклини ишлаб чиқиш ва жорий қилиш.	2019 йил 1 июль
3-босқич (Ахборот tizimini ишлаб чиқиш, унга уланиш ва синовдан ўтказиш)	“Ягона интегратор” МЧЖ, Соғлиқни сақлаш вазирлиги, Давлат солиқ қўмитаси, Ахборот технологиялари ва коммуникацияларини ривожлантириш вазирлиги	Синов иштирокчиларини Ахборот тизимига улаш.	2019 йил 1 август
	“Ягона интегратор” МЧЖ, Давлат солиқ қўмитаси, идоралараро ишчи гуруҳ	Ахборот тизими ишини синовдан ўтказиш ва иш жараёнида юзага келган камчиликларни бартараф этиш.	2020 йил 1 февраль



Вазирлар Маҳкамасининг  
2018 йил “18” сентябрдаги  
738-сон қарорига  
2-илова

Республикада фармацевтика маҳсулотларининг ҳаракатини назорат қилиш  
ва ҳисобга олишнинг ахборот тизимини жорий қилиш бўйича  
“ЙЎЛ ХАРИТАСИ”

Т/р	Тадбир номи	Амалга ошириш механизми/шакли	Бажариш муддати	Ижро учун масъуллар
1.	Фармацевтика маҳсулотларининг ҳаракатини назорат қилиш ва ҳисобга олишнинг ахборот тизимини (кейинги ўринларда Ахборот тизими деб аталади) ишлаб чиқиш ва жорий қилишни мувофиқлаштирувчи идоралараро ишчи гуруҳни тузиш.	Идоралараро ишчи гуруҳ таркибини тасдиқлаш	2018 йил 1 октябрь	Соғлиқни сақлаш вазирлиги, Ахборот технологиялари ва коммуникацияларини ривожлантириш вазирлиги, Давлат солиқ қўмитаси, Давлат божхона қўмитаси, манфаатдор вазирлик ва идоралар
2.	Ахборотлаштириш объектларини Ахборот тизимини жорий этиш юзасидан ўрганиш.	Таҳлилий ҳисобот тайёрлаш	2018 йил 1 декабрь	“Ягона интегратор” МЧЖ, Соғлиқни сақлаш вазирлиги, Ахборот технологиялари ва коммуникацияларини ривожлантириш вазирлиги, идоралараро ишчи гуруҳ
3.	Дори воситалари ва тиббиёт буюмларини ҳисобга олиш жараёнини автоматлаштириш имконини берувчи кодификация, сериализация ва маркировка қилиш бўйича халқаро тажрибани, шу жумладан жойига чиққан ҳолда ўрганиш.			
4.	Ягона ахборот тизими Концепциясини ишлаб чиқиш.	Концепцияни ишлаб чиқиш	2019 йил 1 февраль	Соғлиқни сақлаш вазирлиги, Ахборот технологиялари ва коммуникацияларини ривожлантириш вазирлиги, “Ягона интегратор” МЧЖ, идоралараро ишчи гуруҳ

Т/р	Тадбир номи	Амалга ошириш механизми/шакли	Бажариш муддати	Ижро учун масъуллар
5.	Дори воситаларининг фаол моддаларини ва тиббиёт буюмларни сериализациялаш ва маркировкалаш, дори воситаларининг фаол моддаларининг кодификация/классификация тизими ва/ёки халқаро стандартни қабул қилиш ва тасдиқлаш.	Давлат стандарти/ Кодификация/ классификация tizimi	2019 йил 1 февраль	Соғлиқни сақлаш вазирлиги, “Ягона интегратор” МЧЖ, “Ўзстандарт” агентлиги, Ахборот технологиялари ва коммуникацияларини ривожлантириш вазирлиги
6.	Ахборот тизимини ишлаб чиқиш бўйича техник топшириқни ишлаб чиқиш ва тасдиқлаш.	Техник топшириқ	2019 йил 1 март	Соғлиқни сақлаш вазирлиги, Ахборот технологиялари ва коммуникацияларини ривожлантириш вазирлиги, “Ягона интегратор” МЧЖ, идоралараро ишчи гуруҳ
7.	Ахборот тизимини ишлаб чиқиш бўйича техник топшириқни экспертизадан ўтказиш.	Эксперт хулосаси	2019 йил 10 март	“Ягона интегратор” МЧЖ, Ахборот технологиялари ва коммуникацияларини ривожлантириш вазирлиги
8.	Ахборот тизимининг дастлабки техник-иқтисодий асосларини ишлаб чиқиш.	Ахборот тизимини дастлабки техник- иқтисодий асослари	2019 йил 1 апрель	Соғлиқни сақлаш вазирлиги, Ахборот технологиялари ва коммуникацияларини ривожлантириш вазирлиги, идоралараро ишчи гуруҳ
9.	Ахборот тизимининг дастлабки техник-иқтисодий асосларини экспертизадан ўтказиш.	Эксперт хулосаси	2019 йил 10 апрель	Ахборот технологиялари ва коммуникацияларини ривожлантириш вазирлиги
10.	Ахборот тизимининг тажриба шаклини ишлаб чиқиш ва жорий қилиш.	Ахборот тизимининг тажриба версияси	2019 йил 1 июль	“Ягона интегратор” МЧЖ, Соғлиқни сақлаш вазирлиги, Ахборот технологиялари ва коммуникацияларини ривожлантириш вазирлиги, идоралараро ишчи гуруҳ



Т/р	Тадбир номи	Амалга ошириш механизми/шакли	Бажариш муддати	Ижро учун масъуллар
11.	Синов иштирокчиларини Ахборот тизимига улаш.	Техник тадбирлар	2019 йил 1 август	“Ягона интегратор” МЧЖ, Соғлиқни сақлаш вазирлиги, Давлат солиқ қўмитаси, Ахборот технологиялари ва коммуникацияларини ривожлантириш вазирлиги
12.	Ахборот тизими ишини синовдан ўтказиш ва иш жараёнида юзага келган камчиликларни бартараф этиш.	Техник тадбирлар	2020 йил 1 февраль	“Ягона интегратор” МЧЖ, Давлат солиқ қўмитаси, идоралараро ишчи гуруҳ
13.	<p>Қуйидагиларни назарда тутадиган норматив-ҳуқуқий ҳужжатни ишлаб чиқиш:</p> <p>барча иштирокчиларни Ахборот тизимига босқичма-босқич интеграциялаштириш;</p> <p>Ахборот тизимига уланмаган юридик шахсларга фармацевтика маҳсулотларини реализация қилишни таққиллаш муддатларини белгилаш;</p> <p>Ахборот тизимига иштирокчиларнинг мажбурий асосда уланишини ҳисобга олган ҳолда, фармацевтика маҳсулотларини ишлаб чиқариш ва сотиш бўйича лицензия талабларига ўзгартиришлар киритиш;</p> <p>Маълумотларни қайта ишлаш бўйича янги марказини ташкил қилиш ёки фаолият кўрсатаётган марказни кенгайтириш;</p> <p>Ахборот тизимидан пулли асосда фойдаланиш тартибини тасдиқлаш.</p>	Норматив-ҳуқуқий ҳужжат	2020 йил 20 февраль	Соғлиқни сақлаш вазирлиги, Ахборот технологиялари ва коммуникацияларини ривожлантириш вазирлиги, Давлат солиқ қўмитаси, Давлат божхона қўмитаси, “Ўзстандарт” агентлиги